

**FRANC. ERN.  
BRUCKMANNI, MED.  
DOCT. ACAD. CÆSAR.  
NAT. CUR. ET SOC.  
REG. PRUSS. SCIENT...**

---

FRANCISCI ERNESTI  
BRÜCKMANNI,

MED. DOCT. &c.

EPISTOLA ITINERARIA XIV.

DE

REMEDIIS QVIBVSDAM  
ODONTALGICIS,

AD

*VIRVM EXCELLENTISSIMVM ATQVE DOCTISSIMVM DOMINVM,*

DOMINVM

CHRISTOPH. JAC. TREW,

MED. DOCT. REIPVBL. NORINBERGENS. PHYSICVM ORDI-  
NARIVM, ANATOM. PROFES. ET ACAD. CÆS. NAT.

CVRIOS. COLLEG.


LONGE CELEBERRIMVM,

*FAVTOREM ET AMICVM HONORA-  
TISSIMVM.*



---

WOLFFENBUTTELÆ,  
ANNO CHRISTI MDCCXXIX.





VIR EXCELLENTISSIME  
ATQVE  
DOCTISSIME,  
FAVOR ET AMICE  
HONORATISSIME!

---

**I**Nter varia in itineribus audita & admodum laudata dolores dentium vehementissimos sistentia & sapientia remedia, partim ut probata & secura, partim ut ridiculosa, superstitiosa & merito plane ut nociva rejicienda & sequentia enumerare placet. Si quis primo, *Ὠνταλ-γία* vexatur, de collo suspendat demortui hominis dentem, mox solatium ex hoc amuleto, si verum, sentiet; citius autem adhuc vim suam exercere laudatur anodynā, si faba perforata, cujus foramini pediculus vivus immisus, foraminibusque ab utroque latere cera clausis, cum  
A 2  
supra

supra dicto simul amuleto pannō sericeo includeretur, & de collo suspensa gestentur. Mentionem remedii huius, licet maxime absurdi, iniecit quoque suis sic dictis centum arificius Antonius Mizaldus. Num. III. Virgo quadam Viennensis nobis retulit se saepius dolores sibi dentium perianthale remedio quodam piperato, nempe sumisset, bursulam pipere in mortario fracto & contuso repletam, hanc in cochlear quoddam frumenti spiritu refertum posuisset, igneque candela accendisset, postquam vero in auras abiisset, flamma, bursulam dendi dolenti, calidam adhuc, nunquam non summo cum levamine admovisset; eadem quoque ad tollendam dentium podagram summe laudabat cucurbitas cum scarificatione in dorso & brachiis; hoc remedii genus in plethoricis non contemnendum. Alia honesta matrona odontalgiam sibi fiebat, dum crustam panis denti dolenti admovent, quam toties, quoties salivā madida & emollita erat crusta, aliā durā, quam de novo semper dentibus applicabat. mutabat; est ad minimum medicamentum innoxium, si non prodest, non nocet. Porro nobis laudatum fuit acetum, in quo caryophylli aromatici contusi coquendi, hocque calidum in isto oris latere, in quo dolor maximopere sevitiam suam exerceret, tenendum. Semina Coccognidii, Germ. *Steffens Körner* in pulverem confusa, parvoque sacculo inclusa, denti cavo & carioso dolenti admota, momento citius omnem afferunt & abigunt dolorem dentium vel molestissimum. Odontalgiam, a catarhis ortam, maxime solantur suffumigia ad dentes admixta ex ligno Sassafras fragrantia confecta superque carbonēs vivos injecta. Obstetrix quadam Viennensis sequens arcanum, uti vocabat, gravidis, de dolore dentium querulis, commendabat, rasuram nempe ligni modo dicti Sassafras ut in vini & aquae anatica parte decoquerent, decoctō vero hōc calido dentes in ore foverent, usque dum dolor abiret. Ex relatione cujusdam Sub-Prioris habemus sequens: si dentes & gingivae membro virili vulpis ex siccatō fricarentur, dolores dentium pacarentur. Alumen secum gestatum praeservat ab odontalgia. Dentiscalpium ex ligno suggestus, de quo nullum mendacium verbi divini minister unquam loquutus sit, dentium dolorem sistit, si ad cruentionem usque hōc gingiva lacesita fuerit; sed, ut verum fateamur, quodcumque dentis scalpium, ex quocumque ligno vel materiā quācumque demum paratum & confectum sit, hoc modo dolores dentium sedare potest, nam si gingiva & tunica dentium, nervosa & glandulosa, quae dentes cum gin-

giva

giva & alveolis combinat & unit, vulnusculis & dilaceratione a lymphâ acri stagnante, quæ nervos dentium mordet iisque molesta est, & à sanguine condensato liberantur, cessat dolor. Par ratio est istius trabis Islebiensis de domo B. D. Mart. Lutheri adhuc superstitis, ex cujus ligno superstitionosa gens dentiscalpia findit, scindit, in eundemque finem ad sistendos dentium dolores adhibet. Lectus quidam in Castello Wartburg asservatur & dicitur fuisse S. Elisabethæ, licet Paullini in *Zeitförg: erbauend. Lust* Part. II, p. 1150. monstrat, istum lectum non ante CCCC, annos factum, consequenter non esse vel fuisse istum, in quo dicta Diva quondam dormierit, hujus segmenta & festucæ laudantur quoque a superstitionis in dentium Podagra. Hoc vero certum, inquit Paullini l. c. ibi quondam habitasse hospitem publicum, Georg Rudolf vocatum, hic nebulo quibusdam Romanæ ecclesiæ addictis, qui festucas de lecto sancto S. Elisabethæ anxie cuperent, segmenta quædam & fragmenta de sella sua familiari, quam premere solebant pedices, admodum care & magnò pretiò vendit, quibus statim dentes gingivasque scalpsérunt, non absque tamen doloris dentium summo levamine. Hactenus ille. Infusum vel decoctum herbæ & florum Millefolii vulgaris calidum interne instar Théæ, & externe ad colluvionem oris gingivarumque adhibuit, summopere in dentium dolore deprædicabat Nobilis quædam Domina Ratisbonensis. Alibi quoque scedulam contra dentium dolorem accepimus, in qua sequens distichon:

*Strigiles, falcèsque dentata,*

*Dentium dolorem persanata.*

Das ist:

**Striegel und Sichel von eisernen Zähnen /  
Sollen die Zähne von Schmerzen entwehnen.**

Porro ꝑ. olei Caryophyll. rectif. ℥ij. solve in hoc Camphoræ gr. XV. & adde spiritus Terebinth. ℥ij. hujus mixturæ una vel altera guttula gossypio excepta carioso & cavo denti indita, momento citius odontalgiam curat; hoc est sequens medicamentum odontalgicum non contemnen-



temnendum est, nempe  $\mathfrak{z}$ . Aq. apoplect. spirituof.  $\mathfrak{z}$ j. Camphor.  $\mathfrak{z}$ j. solutis adde Aq. Rorismarin.  $\mathfrak{z}$ j. M. hujus aquæ aliquot guttæ moribus attractæ fugant omnem dentium dolorem. Sunt, qui bulbum Allii fativi dimidium contundunt, admiscendo Croci cutelli cuspidem; & inde emplastrum parant, quod carpo manus, in latere dentis dolentis, admovent, affirmantque XXIV. horarum spatio solatium exoptatum adesse; si forte emplastrum vesicas excitat, acu statim istas aperiunt, lympham extraxatam exprimunt, & butyro non salito inungunt. Laudatur ab aliis pes bufonis; it. talpæ viventis dens solo contactu creditur sanare dentium dolores; it. dens cadaveris longa tabe confecti & extincti, solo contactu pacat dolorem dentium, & decidos reddit. Pastinacæ marinæ, piscis Gijst-Rode vocati, radius dentium dolori medetur. Masticatio Tabaci Brasiliensis multis dolores dentium fugavit, est medicamentum in hoc affectu maxime laudandum. vid. Jocosiorum naturæ & artis f. Magiæ naturalis Cent. III. §. LXII. LXIII. IV. it. Theatrum sympatheticum p. 18. Zinziber pulverisatum, in spiritu frumenti maceratum, per nares attractum, dentium dolorem a Catarrhis ortum cito, dum serositates superfluas acres & molestas ex tunica dentium glandulosa attrahit & per narium canales educit, solatur. Esula lactescens, fel urfi Helleborus niger cum melle mixta dolorem non tantum dentium compescunt, sed & dentes a carie & putredine præservant. vid. Deliciar. medic. & chirurgicar. Iltes Præsent. p. 134. 135. 137. Dolores dentium cavorum & a carie nigrorum nunquam constanter & firmiter sanantur, recidivi semper sunt, nisi plane funditus radicitusque eruantur & ex alveolis suis tollantur, dentes; ad curam palliativam, quæ ad tempus quoddam dolorem tantum sistit, commendatur oleum Sabinæ, Caryophyllorum, Cinnamomi, Ligni Sassafras destillatum, oleum ligni Guajaci empyreumaticum, gossypio exceptum & cavitati dentis nigri inditum, hac tamen cum cautela, ne oleum calidum empyreumaticum gingivam attingat, quam alias inflammât, & tumidam reddit, teste propriâ experientiâ; cum fœmina Jenensis, cui hoc foeditum medicamentum commendavimus, non cavitatem dentis tantum, sed & totam gingivarum superficiem hoc oleo inunxisset, paullo post integram oris cavitatem tumore, loquelam & deglutitionem impediens, obsessam cum inflammatione ostenderet. Alii cavitatem plumbo vel, quod melius, auro explent; ingressumque aëris & ciborum in caviem ita impediunt. Alii ad hunc scopum instrumen-

to ferreo candente cavitatem exurant & ejus parietes cauterifant, sed sunt remedia saltem palliativa & ad tempus tantum dolorem a dentibus removenia. Laudatur ab aliis opium in dentium cavitatem immissem, sed plerumque parum vel nihil juvat. Sequuntur bina nobis in iuvenibus pro arcanis vendita remedia odontalgica: *γ. Terr. sigill. r. Ziss.* Camphoræ in mortario cum binis amygdalis vel git. XXIV. plus minus, spiritus vini vel saltem frumenti contulæ; Piper: longi, Zinziberis, Caryophyll. aromat: Cubebar: aa *℞ij.* quodlibet ingrediens separatim per se pulverisatur & demum omnia *M. F.* pulvis cujus unum vel alterum granum, lentis magnitudine, naribus in latere, in quo nullus dentium dolor, attrahitur, instar pulveris Remutatorii; hic pulvis spatio quadrantis horæ non dentium tantum, sed & capitis dolorem, imo & vertiginem tollit, teste propria experientia, plus enim vice simplici in doloribus dentium catarrhalibus hunc pulverem optimo cum successu dedimus, interdum autem, cessante dolore, observavimus tumorem gingivarum & malarum criticum & salutarem, sponte iterum cessantem. Alterum, quod sequitur, arcanum odontalgicum medetur cariosis & cavis dentibus, sequentique modo paratur: *γ. Salis Tartari* cum parum terræ sigillatæ mixti, conjunctim præterpropter cultri cuspidem, pone in cochlear, affunde aceti vini calefacti q. l. digito probe misce omnia, infunde hoc medicamentum in os tam calidum, quam tolerare, sine oris latione & ambustione, poteris, & tene in ista oris regione, in qua dolor dentem cavum ex cruciat, & mox auferet omnem dolorem. Sunt qui Cornu Cervi in fragmenta sectum cum aqua, vino vel aceto parum ebullire sinunt, hocque decocto sæpius, non sine levamine, os eluunt. Alii dentem cervi in pulverem calcinant, in aceto extinguunt & denti cavo indunt: Alii in pollice venam vulgo dictam, die *℞ij.* Uter in plethoricis secundam commendant. Remediorum odontalgicorum admodum magnam farraginem collegit Christ. Lehmann in *Historischen Schau-Platz.* p. 597. 495. 90. 894. 884. 882. 901. 914. 906. In fine epistolæ adhuc, joci ridiculi ergo, frequentia dentium remedia, non experta tamen nec probata, addere placet: totum os aqua frigida, quantum capere poterit, repleat æger, podicem autem nudum super tripodem candefactum ponat, aquam tamdiu in ore teneat, donec ebullire & coquere incipiat; sed est medela dentium doloris noxia, periculosa, ipsoque morbo multo gravior. Porro intra dentes arte claudat nucem Mali Persici, certe durissimam, jubeat lignato-

rem



rem strenuum sibi in caput denudatum alicui ferreâ ictum fortem pollicere, & quidem ita valide, ut nux intra dentes frangatur, ita tolluntur dentium cruciatus certissime; sed est auxilium, si ita dicendum, non nocivum tantum, sed plane lethale. Dentem cavum & cariosum sibi ipsi quilibet sequenti encheiressi extrahere poterit: nempe recipiat globulum plumbeum sclopis (Slinge) destinatum, perforatum, per foramen filum duplicatum admodum longum trahat, unâ fili extremitate dentem cariosum dolentem circumvolvat & arcte liget, altera fili extremitas cum globulo firmiter connexa & pulvere pyrio lege artis in sclopum brevem (Pistole) mittatur & in auras jaculetur, sic dens extrahitur & ex ore simul cum globulo in auras ejaculatur. Sed hoc dentifrangibulum, vel potius arcanum dentes exstirpandi, non ulterius promulgandum, ne circumforaneis & chirurgis, arte dentes extrahendi panem lucrantibus, victus & amictus imminuatur. Sed sat satis de his remediis, noli, rogamus, in malam partem rapere hunc jocum. Vale & me, quod facies, amare perge. Wolfenbüttel d. 1 Nov. 1729.



